



Яра ва касалликнинг давоси факат бу харомларнинг бирининг қўлланишига боглик бўлиб колган холат хакида фукахоларнинг фикрлари турличадир. Баъзилар даво заруратини очлик зарурати кадар мухим деб билмайдилар ва далил сифатида Имом Бухорий Ибн Масъуддан ривоят килган шу хадисини келтирадилар: "Аллох таоло шифоларингизни сизга харом килинган нарсаларда колдирган эмасдир".

Баъзилар эса даволаш заруратини очлик холатидаги сингари зарурий деб биладилар. Зеро хар иккиси хам хаётнинг давомийлиги жихатидан мухимдир. Бундай караш тарафдорлари эса, Расулulloх саллаллоху алайхи вассалом ипак умуман харом эканлигини билдирган холда кичима касаллигига чалинган Абдурахмон ибн Авф ва Зубайр ибн Аввом разияллоху анхуларга ипак кийим кийишга рухсат берилганлигини далил сифатида кўрсатадилар. (Бу хакда "Кийим ва безак" бўлимида батафсил сўз юритамиз).

Балки бу фикр ўзининг хар васият ва дастурида инсон хаётини биринчи ўринга қўядиган

Ислом динининг умумий рухига янада яқиндир.

Аммо харом бўлган бир нарсани дори ўларок қўллашликнинг баъзи шартлари бор:

1. Буни қўлланмаганлари такдирда инсон ҳаёти ва саломатлигининг жиддий бир хавф остида бўлишлиги;
2. Унинг ўрнини боса оладиган ҳалол бир дорининг йўқлиги;

Бу дорини дин ва иймонига содиқ, ишончли мусулмон бир шифокорнинг тавсия қилишлиги... Шу ўринда ҳаётий ва илмий далилларга асосланган ҳолда шуни таъкидлаймизки: Бу харомлардан бирини дори сифатида фойдаланишга мажбур қиладиган ҳеч бир тиббий зарурат мавжуд эмас. Фақатгина биз бу харомларнинг бошқа нарсалар бўлмаган жой ва минтакаларда яшайдиган мусулмонлар учун эҳтиёт сифатида фатво ҳукмини бераяпмиз.

Юсуф Каразовийнинг “Исломда ҳалол ва харом” китобидан
Абу Муслим тайёрларди